



Smøla kommune
Postboks 34
6571 SMØLA

Saksbehandlar, innvalstelefon
Bjarne Otnes, 71 25 85 75

Dispensasjon for oppkøyring av skiløyper i Midt-Smøla naturreservat, Smøla kommune

Vi viser til søknad i e-post 01.02.2021 frå Smøla kommune v/ Laila Skaret om løyve til oppkøyring av skiløyper i Midt-Smøla naturreservat. Søknaden omfattar sporlegging med snøskuter langs eksisterande turløyper inn til StikkUt-vinterpostar ved Storvatnet og Maudalen. I søknaden er også Tverrbakkhaugen og Ørntua nemnt, men desse ligg ikkje innanfor verneområde.

Søknaden er grunngjeven med at det er gode snøforhold, noko som er sjeldan på Smøla. For Storvatnet sin del er det også vist til at tilrettelegging vil bidra til at færre går på isen inn til posten i enden av vatnet.

Lovgrunnlag

Søknaden er vurdert opp mot gjeldande verneforskrift for Midt-Smøla naturreservat. Etter § 5, 2. ledd, punkt 1 er motorisert ferdsel forbode. Oppkøyring av skiløyper er ikkje mellom formåla med direkte unntak, og heller ikkje blant dei formåla det er opna for å gi løyve til.

Statsforvaltaren har heimel for å gi dispensasjon frå verneforskriftene i § 48 i naturmangfaldlova (nml): *Forvaltningsmyndigheten kan gjøre unntak fra et vernevedtak dersom det ikke strider mot vernevedtakets formål og ikke kan påvirke verneverdiene nevneverdig, (...). Vedtak om dispensasjon må også vurderast opp mot prinsippa i nml §§ 8-12, jf. § 7.*

Statsforvaltaren si vurdering

Formålet med naturreservatet er å ta vare på eit område som inneheld trua og sårbar natur i form av eit tilnærma urørt og internasjonalt verdifullt våtmarks- og myrområde, med naturleg tilknytt plante- og dyreliv, og økologiske funksjonar. Zoologisk er det spesiell verdi knytt til området som hekkeområde og trekk- og overvintringslokalitet for ein rekke fuglearter. Botanisk er området svært viktig med store intakte høgmyrar, kalkrike enger, kystlynghei, kalksjøar, kalkrike kjelder/bekker og rikmyr. Området har også vitskapeleg og pedagogisk interesse.

Oppkøyring av skiløyper er omtala i forvaltningsplanen for Midt-Smøla naturreservat, og blir der vurdert til å ha liten påverknad på verneverdiane. I dette konkrete tilfellet finn vi heller ikkje vesentlege ulemper knytt til søknaden. Løypetraseen følgjer eksisterande turløype, der det til vanleg



er jamleg aktivitet. Statsforvaltaren kan ikkje sjå at tiltaket strir mot verneformålet, og at det elles påverkar verneverdiane nemneverdig. Vi reknar kunnskapsgrunnlaget som tilstrekkeleg (nml § 8), og føre var-prinsippet får lite vekt (nml § 9). Løypelegging med skuter er ei sjeldan hending på Smøla, og vi kan ikkje sjå at tiltaket bidrar vesentleg til samla negativ belastning på verneverdiane (nml § 10). Sporlegging med skuter er også ein enkel og lite belastande måte å legge til rette på, jf. nml §§ 11 og 12.

Vedtak

Fylkesmannen gir Smøla kommune dispensasjon frå § 5, 2. ledd, punkt 1 i verneforskrifta for Midt-Smøla naturreservat til sporlegging med snøskuter langs turløypene inn til Storvatnet og Maudalen. Heimel for vedtaket er § 48 i naturmangfaldlova.

Vilkår

- Dispensasjonen gjeld strekningane:
 - Nyjordsveien til austre ende av Storvatnet
 - Elvegard til Maudalenslik dei er registrert på morotur.no, med mindre tilpassingar avhengig av snøforholda.
- Dispensasjonen gjeld for perioden 1 - 28. februar 2021, og er avgrensa til 5 turar til/frå kvar post.
- Utfylt køyrebok og denne dispensasjonen skal vere med under køyring.
- Statens naturoppsyn v/ Olav Inge Edvardsen (95 49 78 79, olav.inge.edvardsen@miljodir.no) skal informerast om registreringsnummer og namn på førar før første køyring, og oppdaterast ved ev. skifte.
- Utfylt køyrebok skal sendast til Statsforvaltaren innan 15. mars 2021.

Vi føreset at Smøla kommune innhentar ev. andre nødvendige løyve, inkl. avklaring med grunneigarar.

Klagerett

Partane i saka eller andre med rettsleg klageinteresse kan klage på vedtaket innan tre veker frå det er mottatt. Klagen må vere grunngitt, og skal sendast til Statsforvaltaren. Miljødirektoratet avgjer klagen dersom Statsforvaltaren opprettheld vedtaket. Reglane om klage på vedtak går fram av kapittel VI i forvaltningslova.

Med helsing

Linda Aaram (e.f.)
miljøverndirektør

Bjarne Otnes
fagleiar

Dokumentet er elektronisk godkjent

Vedlegg: Køyrebok

Kopi: Statens naturoppsyn Smøla



Køyrebok – Smøla kommune – dispensasjon for oppkøyring av skiløyper i Midt-Smøla naturreservat

Dato	Strekning/turmål	Køyretøy (reg.nr.)	Førar

Returner til Statsforvaltaren i Møre og Romsdal innan 15. mars 2021